



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel II. Hoe de ghevanghenen te Dordrecht zijn aenghecomen, ende wat hen al-daer is gheschiedt.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

## CAPITTEL I I.

Hoe de ghevanghenen te Dordrecht zijn aenghecomen, ende wat hen al-daer is gheschiedt.

**A**ls nu de ghebanghenen eenighe poose veurspoedelijck ghevaren hadden inde Maese/ die men al-daer noemt de Merwe/ soo heeft-men-se doen uyt hun schip gaen in een mossel-schuyte/ de welke midts de mosselen dier inne waren leelijcken stonck. Ende selue bouen toe-ghesloten zijnde heeft-men-se ghestootē ende ghepackt by-naer gheslijck de coop-lieden hunne coop-man-schappen inde vaten packen. Ende sekerlijck/ en hadden sy niet by tijde daer uyt-ghelept gheweest/ t'was groot perijckel dat sy in al-sulcke nauwe plaetse ende al-sulcken leelijcken stanck verlinacht souden hebben. D. Nicasius hadde noch by hem eenighe specerije/ de welke teghen al-sulcken ghevalle hem tot Gorcom inden kercker was ghegheuen vanden Chirurgijn/ die hy sijnen mede-ghesellen deplende / heeft daer deur de quellinghe des vuplen reuckis een wepnigh vermindert. Maer niet langhe daer naer zijn sy uyt dese schuyte ghesett in een last-schip/ ende daer in tot Dordrecht ghevaren. Al-daer zijn sy aenghecomen des son-daeghs omtrent den neghen uren veur mid-dagh. Daer hebben de soldaten den weerdighen oudē vader Wilharde weder-om den mantel af-ghehouden/ des-ghelijcks oock den Canonick Pontus heuter sijnen mantel. Item Henrico den Winder-broeder sijnen houel oft cappoen. Ende D. Nicolaes den Pastoor sijnen rock. De welke alsoo hy de ombeleefthepdt van den soldaet die hem den rock uyt-trock een luttelken teghen-stondt/ vermaent zijnde van sijnen mede-gheselle D. Lenaerd/

heeft ter-stondt ende gheerne te vreden gheweest.  
 Ende hy en heeft niet behouden dan een swert lijnen  
 rleedken om ouer sijn hemde aen te doen. Voorzds  
 Jehan Omal met de p. incipaelste van sijn ghesellen  
 inde stadt treckende / ende al-daer hem seluen wel  
 toeuende / heeft de heylighe Martelaers dien daghe  
 sonder noen-mael-tijdt te houden laten sitten. Men  
 en was oock niet toe-ghelaten te lande te comen /  
 maer zijn gehoudē in 't schip ( d'welck aen de stran-  
 de vast-ghemaect was ) ende al-daer ghestelt tot  
 spot van eenen peghelijcken. Want uyt de poorte  
 vander stadt die niet verre van daer en was quamen  
 de menschen met menighe gheloopen / om de ghe-  
 vanghene Priesters en Geligieusen als wat nieuws  
 ende wonders te sien : al-soo dat all-doen van hen  
 waerachtelijck moght ghesprokē worden d'woordt  
 vanden Apostel Paulus : *Wp zijn een schouw-spel*  
 gheworden der wereldt / ende den Engelen / ende den  
 menschen . Daer en ontbraken gheen by-namen /  
 schimpen ende berispinghen teghen de Martelaers /  
 ende het wasser ouer al vol ghelachs en ongheschickt  
 ghetiers . Hoe wel dat daer oock by waren som-  
 mighe Catholijcke inne-ghesetenē dier stadt / die  
 ouer het verdriet der ghevanghenen uytter herten  
 mede-lijden hadden / ende hunne droefhepdt oock  
 uyt-wendelijck met tranen te kennen gauen. Onder  
 welke waren-der sommighe die gheerne met gelde  
 soudē gherantsoeneert hebben / haddet moghen  
 gheschieden / Dierick van Emden ende Peeter van  
 Alsch Minder-broeders. De vrienden vanden seluen  
 van Alsch in 't schip comende hebben hem omhelst en  
 hertelijcken ghecust . Maer het ghemepn ghepeu-  
 pelte en hiel niet op van de ghevanghenen te bespot-  
 ten ende te beschimpen ende aller-hande manieren  
 van qualijck spreken te ghebruycken. Men moghte  
 uyt

7 Cor. 4.

uyt d'midden vanden hoop dese ende dier-ghelijcke  
 woorden hoozen roepen: **Ay** verleyders ende bedrie-  
 ghers der menschen! hoe vele menschen die licht-  
 veerdigh waren in't gheloouen hebt ghy met v paep-  
 sche versieringhen ende v zouwkenf-clap in dwalin-  
 ghe ghetrocken! **O** hoe vele duyfenden sielen hebt-  
 dy met v valsche ende pestilentiale leeringhen inder  
 hellen gheworpen! **O** hoe frap sult-dy nu de galghe  
 verciereren! ende andere dier-ghelijcke schimpighe  
 woorden ende by-namen ghelijck elcks quade lust  
 hem inne-gaf wierden met groote hoopen op de heyl-  
 liche mannen uyt-gheworpen. Want de vrye or-  
 lof die hen sonder vzeese van ghestraft te worden  
 opentlijck ghegheuen was / hadde hen alle achter-  
 dencken ontnomen. Dan hier moghte ick wel de  
 selue Martelaers Christi in't middē van t'ghebasch  
 van soo vele rasende honden ghestelt zijnde / ende in  
 stillighepdt des herten ende wel gheruste conscien-  
 tien hun patientie bewarende / met de woorden onses  
 Heeren toe-spreken ende segghen: **Saligh** zijt ghy Matt. 5.  
 als de menschen u-lieden vermaledijden ende ver-  
 volghen / ende spreken alle quaedt teghen u-lieden  
 lieghende om Christus ende sijne Catholijcke Kerc-  
 ke wille: verheught ende verblijdt v / want u-lieder  
 loon is ouer-bloedigh inden hemel. Want inder  
 waerhepdt en inder eeuwighepdt gheluck-saligh zijt  
 ghy-lieden / die deur den gheest Godts versterckt  
 wesende / in dese glorieuse belijdinghe des gheloofs  
 stantachtigh ende onberoert totten eynde toe blijft  
 vol-harden.

## CAPITTEL III.

Vande disputatie die sy daer hebben ghehad met eenen Calvinist.

**D**e soldaten dan die ghestelt waren om de ghevanghenen te bewaren / siende soo groote menigte der menschen ter poozten uyt-comen ghelopen om te kijcken / hebben om het schip daer de ghevanghenen in waren een sepl ghehanghen / ende niemanden toe-ghelaten te sien / die niet eerst een stuck gheldts en gaue / ghelijck sulcke menschen als sy de ghelegghentheydt hebben tot eenigh ghewin / seer greptigh ende begheerlijck zijn. Alle de ghene dan die een ordtken gheuen wilden / lieten sy binnen het sepl comen om de ghevanghenen te sien / te bespotten / te toe-namen / en in alles hen te verladé met t'ghene dat hen lustede voozdt te stellé. Maer onder andere is al-daer binnen ghecomen een groote vermaerde ketter / Calvinist / de welke heeft met de ghevanghenen begonst vele te disputeren van het hoogh-weerdigh Sacrament des Outaers. Teghen welchen hen dapperlijck ghestelt hebben de twee Pastoors / ende P. Hieronimus de Vicarius vande Kinderbroeders. Het welck sy veur-waer ghedaen hebben met sulcke vierigheydt in't disputeren / ende sulcke sozgh-vuldigheydt om de Catholijcke waerheydt te beschermen / dat hen in het disputeren het sweet ouer-bloedelijck af was loopende / by-sonder P. Lenaerd / de welke gelijk hy wel fraey ter talen was / ende sonderlingh gheleert / heeft in dese disputatie met redene de principaelste gheweest. Daer-en-bouen betoonden de Martelaers Christi soo gheleerdelijck / soo sterckelijck ende soo claerlijck het fundament van hun ghelooue / dat die ketter verwonnen  
ende